



### Nu is aber genuch mit Schnee un Kält!

Itze muss dr Frieling har mitsamt dr Sonn! Mir wolln ze Ustern de Eier uhne Mitzn assn!



Blattl-Fotos: R. Tittel, P. Müller, EHV-Archiv

### FAHRDIENST für April

Wer am 05.04.18 ins Vereinshaus gefahren werden will, der möchte bitte anrufen:

**Matthias Schürer, Tel.: 2141 oder 2666**

Sollte der Fahrdiensthabende nicht gleich erreichbar sein, dann bitte öfter anrufen – ruhig auch schon ein oder zwei Tage vorher !!!



Erzgebirgischer Heimatverein  
Eibenstock e.V.  
Otto-Findeisen-Str. 14  
08309 Eibenstock

Tel. 037752 / 2666 oder 2141

Internet:  
www.heimatverein-eibenstock.de

Bankverbindung:  
Erzgebirgssparkasse  
IBAN: DE90 8705 4000 3892 2072 58  
BIC: WELADED1STB

# Unner Blatt`l



Nummer  
157

Mitteilungsblatt des  
Erzgebirgischen Heimatvereines  
Eibenstock e.V.

April  
2018



## Is Schneeglöckl

*Heit kam unner klaane Maad  
aufgereecht ze mir gerannt,  
hat des dingle eine Fraad,  
un se nahm miech bei dr Hand.*

*Un do driebn sei aa noch paar,  
ganze Büschle saah iech stieh,  
scheint des Sonn, wie alle Gahr,  
ball wird wieder allis grie.*


*Guck när, rief se, naus ins Gros,  
ei, iech hob do wos entdeckt,  
klaane Schneeglöckle hebn ihr nos  
un ham siech in de Höh gereckt.*

Dagmar Meyer

Foto: Peter Müller

## Net weit von Auerschberg...

..auf sonniger Höh`... esu fängt ja bekanntlich e schenns Liedl vu unnern Saafnlob aa. Auf unner Eimstock un in Auerschberg als unnere Haamit warn mir schu immer ganz ze Racht stolz. Aber nu issis raus: unner Barggasthuf aufn Auerschberg is vorkaaf! In erschn Moment bei vieln: Koppschittln! Wie kaa mr nu su e tradizjonsreichs Objekt vorkaafn? Aber mir ham ja in de letzn Gahr gesah, des andauernd de Pächter gewachst ham, oft de Gaststätt geschlossn hat un des ganze niedergewirtschaft wurn is. Un is hat ordlich viel Gald gekost, is Nutwendichste ze drhalt'n. Is is aa net esu aafach, durchs ganze Gahr des Haus bei Wind un Watter mit nutwendichn Ümsatz ze bewirtschaftn.



Wie aa immer, is blebt ze hoffn, des dr neie Besitzer un Betreiber wos ordlichs draus macht un mir alle samt unnern vieln Wanderern un Touristn wieder do drubn of dr Höh eikehrn kenne! Net ze vorgassn, unner Aussichtsturm blebt ja bei dr Stadt un soll aa in Zukunft samt Infohaisl als Besuchermagnet aufn Gipfel for den einmalign schenn Ausblick bewahrt warn! Unner Verein hat in dr Vorgangehaat aa einichs mit den Barg ze tu gehabt. Denkt nár mol an de schenn Sternwanderunge! Do warn mir immer drbei un ham mit unnere Kinnergrupp un ehaamichn Kulturgrupp ganz gute Programme aufgeföhrt! Vu 1996 bis 2005 warn mir aktiv drbei! Oder zen 100-jährichn Bestehe von Barghotel warn mir aa vortratn (siehe Blattl 25 un 26 Mai/Juni 2007 un geschichtlichs in Blattl 122 vun Mai 2015). Vielleicht läßt siech mit dar Firma mit den wunnervolln Name „Glück, Gesundheit, Kultur KiG GmbH“ aus Chemnitz mitn Herrn Simmel an dr Spitz wieder esu wos wie Sternwanderung oder e arzebirgsches Vereinsfast drubn auf unnern höchstn Gipfl gemeinsam bewerkstellung? An uns sölls net liegn, mir komme gern auf unnern Barg!

Wie aa immer, is blebt ze hoffn, des dr neie Besitzer un Betreiber wos ordlichs draus macht un mir alle samt unnern vieln Wanderern un Touristn wieder do drubn of dr Höh eikehrn kenne! Net ze vorgassn, unner Aussichtsturm blebt ja bei dr Stadt un soll aa in Zukunft samt Infohaisl als Besuchermagnet aufn Gipfel for den einmalign schenn Ausblick bewahrt warn! Unner Verein hat in dr Vorgangehaat aa einichs mit den Barg ze tu gehabt. Denkt nár mol an de schenn Sternwanderunge! Do warn mir immer drbei un ham mit unnere Kinnergrupp un ehaamichn Kulturgrupp ganz gute Programme aufgeföhrt! Vu 1996 bis 2005 warn mir aktiv drbei! Oder zen 100-jährichn Bestehe von Barghotel warn mir aa vortratn (siehe Blattl 25 un 26 Mai/Juni 2007 un geschichtlichs in Blattl 122 vun Mai 2015). Vielleicht läßt siech mit dar Firma mit den wunnervolln Name „Glück, Gesundheit, Kultur KiG GmbH“ aus Chemnitz mitn Herrn Simmel an dr Spitz wieder esu wos wie Sternwanderung oder e arzebirgsches Vereinsfast drubn auf unnern höchstn Gipfl gemeinsam bewerkstellung? An uns sölls net liegn, mir komme gern auf unnern Barg!

Glück Auf, dr Schmidt!



## Wir gratulieren unseren Heimatfreunden

Matthias Schürer	am 01.04.	zum 61. Geburtstag
Lothar Jung	am 19.04.	zum 64. Geburtstag
Antje Haustein	am 22.04.	zum 55. Geburtstag
Elke Schürer	am 26.04.	zum 58. Geburtstag
Bernd Baumgärtel	am 28.04.	zum 73. Geburtstag



Ein Mensch wird nicht nach seinem Alter,  
sondern nach seinen Taten geschätzt.

(Fjodor Gladkow in „Das Birkenwäldchen“)



Vürstandswahl un  
Ieberraschungsgast

am Donnerstag,  
05. April 2018,  
18.00 Uhr  
im Vereinshaus

...un dr Wonemonat brengt uns ...

... mol sah, wos mor do mach`n. Mier schreibn`s  
nei ne nächstn Blatt`l

am Donnerstag, 03. Mai 2018,  
18.00 Uhr im Vereinshaus

**Allen Mitgliedern  
und Freunden:  
Frohe  
Ostern!**

## **Is Frühgahr kimmt**

*Wos, Frühlingsaafang soll des sei?  
Do kimmt vun Himml Schnee drubn rei!  
Hält dä des net auf in dare Zeit,  
iech dacht, is Frühgahr wär net weit.*

*Of dr Wies un aa in Gartn  
Blümle of de Sonn schu warnt.  
aa dr Star sitzt ubn vorn Kastl,  
pfeift e Liedl for sei Schatzl.*

*Doch nort kimmt de Sonn raus un lacht,  
hot schnell den Schnee ze End gebracht.  
Nu kaas lus gieh mit den Spriessn,  
Kaafer krabbln, Bachle fliessn.*

*Neies Labn zieht wieder ei,  
su wards abn immer wieder sei.  
Ach, wie schie is doch de Walt,  
wenn nu is Frühgahr Eizug hält!*

## **E Usterüberrasching**

*Ustern kimmt ball wieder,  
do fraat siech gung un alt.  
Ball blüht aa wieder Flieder,  
dr Hos kimmt ausn Wald.*

*Ganz bunt un aagemolt  
liegn Eier in dan Nast,  
is Friehgahr uns beluhnt,  
des is e grusses Fast.*

*De Mutter ruft ganz laut:  
„Saht har, wos iech do find,  
des gieht of kaaner Haut:  
en Stolln mit harter Rind!“*

*Vordeckt blieb dar do liegn,  
kaans hot meh dra gedacht.  
Su giehts ze Ustern zu:  
e Stolln noch vu Weihnacht!*

*Gedichte von  
Dagmar Meyer, Bernsbach*

## **Freitich is Bodtog!**

Do neilich warn mir wieder mol auf Reissn un ham ne gute Woch bei unnere Kinner mit samt in Enkl vorbracht. Jedn Tog sei mr naus an See oder nei de Barg spaziert. Is war wie jedsmol ne schiene orhulsame Zeit, die viel ze schnell vorgange is. Aber des wollt iech gar net drzähl.

Alle Tog bein Duschn is mir nein Sinn kumme, wie des frieher bei uns drham zunging, des müsst mr drwagn mol unnern Kinnern drzähl, die kenne des ja gar net wissen, wie die persönliche Wascherei ohne Bodzimmer dozemols eihargange is. Die genne aafach jedn Tog nei in ihrn Wasch- un Toilettensalon, duschn siech oder steign gelei in de Bodwann nei un drehe is Wasser auf, des gelei ganz haaß aus dr Wand kimmt, des is doch heizetog is normalste vu dare Walt!

Vu wagn, is normalste! In de 50er Gahrn ham mir uns aa gewaschn – aber mit ner klenn Schissl Wasser, e weng warms kam, wenn grad Feier war, vun Ufnhard drzu. Drnabn wurd is Nappl mit nern Stickl Saaf hiegestellt. Mit Waschlappn - die gibt's ja aa heit noch - ham mir uns vu ubn bis untn durchgerubblt. Un sei drwagn aa sauber in ganzn Tog imhargesprunge. Ne Bodwann? Die hattn mir aa: die stand innern Kallergang naabenanner aufgereiht mit danne vu de annern Hausleit. Allesamt blachvorzinkt. Jede Woch zen Freitich gegn Obnd ging e Gerangel un aa mannichmol e Gepolter lus, do wurn de Wanne vu do untn nooch ubn gehult nei de Stubn. Denn Freitog is Bodtog! Des war wie e ugeschriebns Gesetz. Des is immer eighalt n wurn - do gobs ja noch kaane Bestimmunge vun de Europaparlamentarjer. Mit den Aufstelln dr Wann in dr Küch wars aber noch lang net geta: vornewag wurd ordlich Feier nein Küchnhard geleeht un e paar große Töpp Wasser aufgesetzt. Des is Aamerweis vun Hausflur reigetrog n wurn, ja net vorschwebbern! Als nächstis hat mei Mutter ne Leine quar durch de Küch aufgespannt un hat schu mol de Bodtüchle na gehängt, net zen trockne – die warn ja frisch ausn Schrank gehult – zen Sichtschutz! Sichtschutz - des war desserwagn, des mr'n Vater un de Mutter net nackit saah konnt! Net ze vorwachsln mitn Datnschutz, den mr heizetog ham, domols gings net im Konto un Paßwörtle, na, när im de nackte Haut un sölche annere Kleanichkaatn, die mr halt vorsteckn wollt vor de Kinner.

Des Bodn ging noochenanner wag, ims Wasser ze sparn – erscht de Kinner un dann de Altn. Ganz zen Schluß kam is schennste: is Wasser ausscheppen mit nern Topp neine Aamer un wieder naus neine Haus in de alte Wassergoß – des war unner Bodspaß – wie gesaat: immer när freitichs – ohne Ausnahme!

Bis zen nächstn Mol

Eier Schmidti

## Mit wenich Leit läßt siechs fei aa spieln...



Kurz vor halb Sechse:  
de erschn Spieler komme...  
Dreiviertelsechse:  
noch e paarle lessn siech blickn...  
Kurz nooch Sechse:  
ganze 15 Leit sei do...

Des war noch nie do, des mr allesamt an ganze drei Händ abzähl'n konnt! Woll'n dä die annern gar nimmer spieln mit uns? Bein Noochhokn, oder wies itze auf gehubne neihuchdeitsch haaßt: Recherchiern, hat siechs gezeit, des do verschiedene Ursächle zamkame.



Bild ubn:  
erscht emol ieberlegn...

Bild drnabn:  
...dann auslegn!



Zen Erschn warn e paarle vu uns grad an den Tog im Inland un aa in Ausland unnerwegs, also zu den Zeitpunkt uhiessich. Zen Zweetn warn e paar weibliche Mitglieder grad zen Frauntog mit e paar vu ihm Arbtskollegn zu ner Extrafeier.

Un zen Drittn hat ja de Grippewell vu Sachs'n aa in unnern Arzgebirg zuge-schlog'n, su des dr Rest dodra laboriern musst. Esu kams halt zu dar klenn Spielerschar. Aber die hams ordlich krach'n less'n, entweder mit Kartn oder aa bein Wirfl'n. Bein nächst'n Hutz'nobnd mit Vürst'ndswahl un Ieberraschungs-



gast werds wuhl wieder voll warn im Vereinshaus. Des is bestimmt aa ganz in Sinn vu unnerer Vorsor-chungsmaad, denn die ham ja immer des Genatz mit'n Assn: Wos mach mer diesmol? Wieviel müss'n mir eikaaf'n? Wieviel Leit warn komme? Des is halt immer e klaans Lotterie-spiel un Minus machen gieht eingtlich gar net.



### ... in eigener Sache ...

Zu unserer Ausfahrt am 2. Juni nach Thüringen haben sich die Mitglieder mündlich oder telefonisch gemeldet. Nun kann es sein, dass der eine oder andere nicht auf die Liste geschrieben worden ist. Deshalb geben wir die gemeldeten Mitglieder hier schon mal bekannt und wir bitten darum, dass jeder noch mal nachprüft, ob er dabei ist. Wenn nicht, dann bitte umgehend melden unter Tel. 2141 !!

Schmidt, Günter  
Schmidt, Uta  
Barth Matthias  
Bart Andrea  
Jacob Heinz  
Jacob Christa  
Brenner Gerd  
Brenner Bianca  
Berger Ursula  
Haese Ute  
Bonstein Gabi  
Winter Christine  
Winter ?  
Schürer Matthias  
Schürer Elke

Maixner Thomas  
Maixner Ulrike  
Taube Alfred  
Taube Viola  
Bauer Karin  
Stark Susanne  
Richter Antina  
Richter Heinz  
Beier Anna-Maria  
Müller Peter  
Müller Adelheid  
Jung Lothar  
Jung Brigitte  
Wüst Johannes  
Wüst Ute

Pechstein Werner  
Pechstein Annerose  
Schleevogt Bernd  
Schleevogt Christine  
Spitzner Ingrid  
Tittel Rainer  
Tittel Brigitte  
Nötzold Erika  
Schmidt Siegfried

Danke !!